

程氏墨苑

桐鄉侯傳

桐鄉侯者名晦字維淵其先出赫胥氏  
棲於冲漠之野以炎氏坎氏為媒取於  
木公之支因以燕然為國是生九子其  
一曰黔更號烏丸氏結繩既廢文字代  
興烏丸與漆雕氏遊於竹素之林漆雕  
第工為科斗文至龍蛇雲鳥諸體非烏

氏不能也戰國之世其族有翟子者以  
兼愛為學磨頂放踵以利天下為孟氏  
所闢族遂解散又百年而有陳玄徙於  
絳縣秦并天下與管城子同升上有所  
畫指揮管城使告諸陶泓氏玄為潤色  
而褚先生受焉及用斯言焚燒六經並  
罷玄等唯秦卜命龜使進其食刑人則

冒刃從之嘗面攻英布布為改容恨之  
刺肌曰我行當王爾焉能湮我哉漢興  
蕭曹諸公共執持之不戰而功為冢武  
帝稽古禮文侍從之臣多藉玄以進然  
其時刀筆之吏致行其法亦頗受畫云  
文深峻削一成而不可變矣成帝獵長  
楊館玄之裔孫與翰林主人問難其辭

甚設揚雄錄之以進賜爵客卿世襲其  
號東京時有隃糜父子給事尚書隃糜  
者客卿小字也曹魏代漢有石斛氏者  
出於黠山假卿之姓亦得侍中曹氏館  
之三臺為陸士龍所取此其贗矣而客  
卿之胄有少而娟麗者為隋煬帝所嬖  
使為宮女畫眉謂之蛾綠子宗人恥之

有唐中葉顯於上谷為祖氏所主與鹿  
香氏交而相和也明皇寵之寘之几案  
一日以道士服見伏而呼萬歲三上悅  
以為玄香太守加九錫卿爵如故五代  
時奚氏父子載卿之族去易水而徙歛  
邑於萬松之林曰吾母族也因止不去  
其後遊道日多益貴而侈身被五彩雙

龍夾脊飾以金寶士林益尊慕之以豹  
皮為幄列之室中或飲其德而醉甚至  
濡首潘谷老人與為心友能隔帷而識  
之宣和之世尤見親禮剖符封松滋侯  
從母居也木公之族既繁不能無薰灼  
濁亂時為管城所噉而卿居歛久交遊  
亦濫四方賤之伯休父之世居於有蓀

之野見而愜曰此鄉冑也而汚於所自  
出微是其無喬木乎吾將更之乃之嶧  
山之陽問津於桐氏挹其光彩曰此真  
吾所願從遊歸以告里人子倩曰此麗  
澤之資油々然與之偕可也子倩信之  
曰吾與點也與之立譚久之盡吐其氣  
兩相忘而化既而悔之肌色黥然見濕



灰馬主人擁篲掃除恭講甚恭奉之園  
室意終不合越有大武氏者善與人交  
居中調劑處之故舊之間乃一快矣自  
是方圓長短惟人所假無不曲從兩儀  
萬彙之形百家二氏之籍與其圖象古  
文鍾鼎丹篆法符之品苟可模範無不  
默而識之又恥為小文痛刮磨其故習

一反於樸使實而有光輝不佩金朱不  
衣績藻黜然燁然叩之鏗然顧獨守其  
大玄伯休氏自喜曰此可以為藝林寶  
矣走書而荐之自兩都公卿學士無不  
結為文友相與議荐于朝曰烏丸之後  
以母受國今木公之世微矣更以桐氏  
為母宜就其國邑改號桐鄉奏具未上

而木公之庶孽婚于烏氏之奴不復與  
侯家通矣默、先生曰卿之國於木公  
尚矣桐氏之先乃以協律善譚為師襄  
所撫爾一旦起草明光遂列凌烟之畫  
異哉且子倩胡為者尺寸之村中立而  
不倚百木之長避之士貴自樹耳始木  
公將廢有希皋氏者好嘗毒草亦有由

然乃其性脂滑善匿縉紳先生難言之  
故不如尚同自管城興于蒙氏楮先生  
之承旨荐自蔡侯皆有功于文苑而伯  
休氏傾其橐貲以奉客卿至不得黔其  
突率之賜姓受封益張其世以再造文  
明於草昧功不在二子下矣世徒目為  
墨家者流朝以玄之尚白豈知其淵旨

哉

萬曆癸卯十月望日穀城山人于慎行  
為文友程幼博先生撰

翟道侯世家

翟道侯姓漆雕名黝故上黨產也孔門達者  
七十二人漆雕氏有三黝獨弃而從相茅氏  
遊曰名其家遠祖隃糜漢給事中每令僕丞  
郎寓直必令與俱陽朔中拜客卿元帝欲大  
夸胡以多鳥獸盡驅之長楊射熊館令胡人  
手搏為戲農不得收斂楊雄上長楊賦以風  
寔隃糜偕翰林主人草定之時不能用竟隨

雄守太玄以終八世孫龍賓少娥綠媚秀明  
皇見而喜曰安得寧馨兒乎手書龍香二字  
為賜長操堅重不交權貴馮盛者挾以行道  
遇盧杞龍賓輒引盛囊自蔽杞發之大笑盛  
正色曰此君日侶金谿子錄離騷古本方公  
提三百刺為名利奴詎不勝邪安祿山亂扈  
蹕幸蜀時二磨楯鼻草檄書薛稷論其功封  
翟道侯燕平章松滋膠陽二郡事龍賓歿子

孫貧弱至突不得黔迨五季而黔乃生遜出  
新安山中獨奚超二子庭珪識拔之焚膏油  
相厲頷性膠柱罰為城旦春賴奚調劑曰定  
交於杵臼之間驩如也黔世擅文翰至是得  
師匠鑪錘之而益工會李主起江表詔求文  
士甚急庭珪以豹囊載黔而西三沐三熏之  
薦於上左右見黔面貌驚黑不為重上望見  
知其材親為拭拭曰卿固儒席珍摩厲以須



令宇內同書可乎熟頓首曰臣以黷黷見杖  
憂心如擣幸上磨礱之雖漆身以報何敢辭  
即日同歙州金星澄心堂楮白宣州毛銳授  
秘書郎凡文誥典策共為潤色稱文苑四貴  
云上弟景遂景達日侍遊晏一夕登樓  
賞雪賦詩命李建勳徐鉉輩和之景遂集一  
時名筆為圖御容屬高冲古近臣法部絲竹  
屬周文矩樓閣宮殿屬朱澄雪竹寒林屬董

元池沼禽魚屬徐崇嗣詩書畫為時三絕皆  
黠往來摹畫體為皴裂上指之曰卿以摩頂  
放踵為學今果然矣乃命世其族爵增食邑  
三百戶嘉庭珪造就功賜姓李以旌之久之  
時宰害其能讒曰黠居官緘默且無潔白稱  
黠聞之歎曰若知吾盛壯之時不知吾精已  
消磨矣曰稍自引去黠面如紫玉脊成雙  
龍文芬香襲人嘗墮水巾月不傷其異如此

黜後百餘歲陽羨葉嘉以風味聞司馬光評  
曰葉欲白而黜黑葉欲重而黜輕葉欲新而  
黜陳此兩人胡相反也蘇軾曰兩人皆芳潔  
其德同皆堅其操同君子妍醜黔皙殊而德  
操韞藉無以異光笑以為知言

太史公曰黜崎嶇離間歷數百載祗不失  
封爵豈非以其功哉黜生九子族姓丰天下  
而在新安者最良門風寬博非目不識丁者

召輒往豈其尚同兼愛固然歟庭珪父超子  
承晏三世与黜陟非庭珪無以成庭珪非  
黜亦無以名世語云膠漆雖堅不如雷陳豈  
黜与李氏謂邪

昔讀昌黎毛穎傳東坡萬石羅文傳絕歎  
以為奇顧於子墨客卿闕如也余不量戲  
為此篇

幼博鴻臚携其製墨見訪輒書以遺之

幼博之墨當不減庭珪而余遠不逮韓蘇  
可愧也

萬曆癸卯春澹園居士焦竑



釋問

客問於陳玄子曰韜晦以全身者逸士之  
履也攄赤而登要者達宦之為也今子窮  
縹緗之與抱黃虞之畧轡綺繡之文有日  
矣胡不侍彤墀登紫閣赤舄金章朱輪華  
轂徒從事於筆研之間守一官而默也陳  
玄子曰聖賢不能違時故遇不遇者蒼也

得不得者祿命也昔者舜以匹夫而升黃  
屋以其遇堯也呂望黃耆為帝師以其遇  
文王也伊尹起白屋而佐阿衡以其遇湯  
也管仲解黻纆而為仲父以其遇齊桓公  
也鄧禹以玄髻而封侯以其遇光武也予  
忝端方而不磨雅素而無染奈貝錦成萋  
菲青蠅變白黑時不我以罔由自白故默

而守吾玄客曰遇合係乎時進退由乎己  
排金門入紫闥孔方能之子奚不以黃金  
為媒青蚨指路求金張以為援而自致于  
青雲也陳玄子曰如子之言所謂以黃耳  
之皮而補黑貂執白駒之步以議盜驪覩  
世俗之碻碻未陟明堂而窺蒼壁也夫乞  
哀於晦黑而以驕人於清晝者志士之所



深羞故掃門而求見者志卑上書以自通者行辱三公而銅臭者跡污草玄而仕莽天祿貽譏以合從而肘黃金黑裘空敝故以利傷行者匪幽玄之致也枉尋直尺匪方正之模也和光而同塵者匪堅貞之操也故知玄知默守道之極爰清爰靜游神之庭惟寂惟寞守德之宅吾亦玄默以待

用而已安能摩頂踵以覲銀黃客曰守黑  
需時既聞命矣縣黎之弗售也則韞匱而  
藏之青萍之弗試也則匣而寘之今既非  
子之時矣胡不卷而懷之潔身而去之而  
徒磨光刮垢冀以藻翰博名高何時超几  
研而升煙閣乎玄子逌然而笑曰客之言  
似矣然未白予心也天之生才也將使其

文明區夏黼黻皇猷乎抑欲其如脂如韋  
而罔裨實用乎將使其礪世磨鈍以贊恭  
默而鬯玄風乎抑欲其貞白自好而隱以  
全其軀乎將使之由塗炭而躋煙霄乎抑  
欲其閉松關而自適乎夫才不虛生世不  
自治達人遺世君子憂時彼蒙莊遁跡於  
漆園巢父洗耳於清流仲長統樂志於玄

虛周顒鬯心於綠葵孫子荆怡情於白石  
天隨子逍遙於筆床田游巖膏育於泉石  
黃綺茹紫芝張良從赤松亦各言其志已  
此脫屣黔黎者之所為匪畱心當世者之  
所希也客未覩乎應龍乎潛於潢汙為螻  
蟻所苦不知其將乘雷雨而起青霄也梗  
枿長於深林荆棘翳之一旦遭匠石出之

秦莽之中蔽大江而下用以棟明堂梁魏  
闕故夫出幽而入顯者榱桷之美材也脫  
泥淖而奮蒼冥者應龍之神異也由沉默  
而華要者賢智之徽猷也故昔玄光用晦  
封侯松滋玄香染翰加封九錫小道獻精  
龍香賜號子墨被召而拜客卿若夫人皇  
造書契蒼頡制文字大禹錫玄圭西伯演

周易姬公興禮制孔子作春秋秦帝上封  
禪漢高定律曆左丘纂國語孫子著兵法  
賈誼策治安韓愈傳毛穎楊雄草太玄典  
籍之所傳皆吾徒為之佐苟悻々以自潔  
安能勲績勒鼎彛聲名垂竹帛也客於是  
避席再拜歛衽而歎曰大哉君子之言所  
謂待時而動磨而不磷者吾今而後益知

子之如圭如璧如金如錫也

予昔左宦江州偶得程幼博佳墨託為  
陳玄答問今見墨苑希世寶藏遂錄登  
附

閩中趙世顯



玄對

客有過余職墨齋者向馬則對共得十有六則以  
附於手譚客向別載

作書者不學北館中掃帚泥汁玄煙之功當倍於側  
理陶泓三君三君備而如炭焉則興敗如漆焉則神  
王其聚合異趣固所漸矣然得其鮮將几塵并水自  
勝墨豬

書窓中明几淨榻不可缺者香也燃沉水香不如聞  
花香聞花香不如聽茗香聽茗香不若觀墨香墨香



非蘭非麝非色非味逆于鼻沁于目故曰觀也人知  
觀墨之香可與語墨昔楊用脩嗜古書云古書不唯  
可讀乃省一種古香可愛古墨之香政堪與比  
昔有論硯墨者以墨為中壽是殆不然夫研靜耳墨  
且靜且動今研之久者止於趙宗貴鑒之家尚有古  
軍革手蹟墨之壽何如

筆秃焉退於塚紙敗焉灰於焰硯毀焉處於瓦礫唯  
墨雖殘珪斷璧尚猶爭寶且三物同盡神去形留墨  
出有入無至於聲臭雙泯蓋墨默仙也藏者久祔用

者尸解

有索余書者每令持一螺半挺以代鵞羣久之古墨  
盈篋強學人製豹皮明光錦諸囊分別貯之一日有  
上宮之嬖蒞箱篋中數百函昏黑皇遽誤以為珍寶  
都負而趨固知多藏厚亡墨磨我矣然藏墨宜用藤  
紙匣各塊一具既不悔盜亦不受徵

余始嗜墨繼而厭稍忍磨之矣世有見人藏善墨  
輒思置己篋中或塗抹惡札驅之於不言或緘攝鐫  
固終身不一試者均謂墨癡知蓄墨而不知辨研知

鑒墨而不知養研知養研而不知收筆者均謂之墨  
痴收筆之法子瞻妙矣養研自有秘訣在蓮房洗刷  
之外要使淨潤新利方與水味相調墨色自娟相  
映不可名言

吾鄉蓄墨自方伯文始余每遇其寶硯齋輒舁數十  
簾出賣古造特製無不備具客已應接不暇目難周  
玩主人尚以嘆未盡收拾為恨今且忽除歛令物  
之聚於所好一至此哉乃知其簾中小品必有為前  
魚法者何當盡與乞得以充池腹每臨池洗研一思

及此近代之墨喧傳程君房者妙余始不為然后太  
學洪汝舍以其第一者見遺果逼追古人夔絕時輩  
前歛令彭伯錢品顯備至今令復為吾鄉方伯文墨  
之遇人豈但不胫而走異日御座前省如蠅呼萬  
歲者必察天一之製矣昔子魯交上耳得司馬氏齒  
牙遂浪得名則君房可知

作畫用程君房墨煙霧晦濛氣韻生動別增盤礴之  
興良由其烟細膠清劑和杵熟流利滑潤故不粘礙  
豪端而渾融楮上至於移蘭運竹醉後淋漓醲澁相

間遂欲生成

余嘗於高齋繭吳江樓上試君房墨及乾鮮明如鑑  
始信仲將一點端有此理李廷珪后竟復有君房耶  
它可煙煤驅使

余每以古墨比之古琴人無解者二物其色玄同而  
斷紋斑斑愈拭愈瑩一也墨之古者如枯桐枝槩之  
必黑光退盡者迺爲佳妙又墨不須磨槩不須鼓四  
顧把玩以手拂弄可以終日

琴向材精漆久不向輕重有合百寶之屑乃重異常

墨清煙者體輕苟合金玉諸屑成劑即膠氣盡而堅重如故二物實色政同獨索解人不得

鞠通喜散枯桐尤愛古墨說林言孫鳳琴中有此物後為道士以古墨屑紹出余破產蓄一桀龍唇上蛭孔數百而余性復嗜墨每疑前身即是鞠通遂製金線綠文中戴之用以操槩美墨觀者殆欲絕倒

人知松煤不若桐煙桐煙不若稀膏不知鄜延石油取以製墨黑光非常宋沈存中云石油一名脂水與泉水相襍憫之而出土人以雉尾挹之乃采入缶中

頗似淳漆燃之如麻其墨名延川石液者括所爲也  
括以此墨必大行於世何察、至今君房氏博物多  
巧思盡遍搜一奮古人之製焉

一日洪汝舍於烏石園盛集辭客歌妓盡出其所藏  
古硯與墨每硯一具副墨一枚中座拈硯屬客各爲  
詩賦歌贊先成者奉君房墨二挺不則妓捧墨水一  
升解醒余爾日頗數給遂連得數十挺客至有不得  
一挺者欲起見奪余戲之曰君既曳白自當烏有無  
已借齊奴如意碎以分子人如懷拱歸而去都人士

聞之以供以王儉隸事余為陸澄後至一時美談云  
萬曆壬寅夏十有二日若華時  
客宗曰壽祺并書于響泉齋中





謝程幼博鴻臚惠墨

仙吏曾傳大隱聲  
辭官俠骨尚縱橫  
烟雲氣結松為友  
文賦名高墨作卿  
鴈錦封來玄玉瑩  
豹囊懸處黛螺輕  
中書老禿常搔首  
懶借龍香沐管城

程幼博寄墨數螺道中為稅使所權戲  
作志感

客卿聞已渡江涔烏有何緣問藝林楮  
國交遊成落莫松侯封爵付銷沉思玄  
但檢張衡賦守黑空遵老氏箴為語中  
人休錯誤隄糜原不化黃金

穀城子慎行無垢甫



幼博老詞盟訪予草堂以所製玄  
元靈氣見餉賦此請政  
寂寥秋色在東籬有客相過喜不支帶  
草畫窺松外徑墨花晴染竹間池狂來  
忽起投車轄醉後還呼覆酒卮浪說廊  
廡遺法在輸君滿挈豹囊隨

繡水沈思孝



程幼博丈惠墨精詩扇用來韻賦  
謝

汗漫浮槎渡六盤壯懷到處結羣髦焚  
魚老古交游少馭霍何來氣象高玄玉  
定逢和氏賞朱紱更差郢人操翩々嘉  
會翻成別矯首雲霄一羽毛

余敬中



賦程幼博墨

大鄣臚句英  
鑲佩蓀與荃  
投閒解墨綬  
所思在玄玄  
朝食黝霧裡  
夕宿黹雲邊  
玉杵擣靈藥  
松滋淨寡天  
寒光生玉海  
深翰起風烟  
祖乃伯

陽聖彌彼韋奚賢不借龍麝芬  
真氣滙玄元價比淮南金清耦閭  
風僊爾既墨守爾亦肯方圓磨  
頂寧自惜願助青藜然

縣圃蕭雲舉書



墨苑二十韻為

幼博兄賦

客卿推子墨橫藻擅詞場漸染依  
毛穎觀摩友石鄉漆膠甘嘿守杵臼  
結鄰芳寒燠調宜適春秋候始良  
非烟浮黝黑入水識堅剛截紙鋒全

利塗金韻反成六朝工朗萬五季  
衍潘常書帛輝魚袋遺九襲豹  
囊廊延然石燭冰井貯清漳易  
水源何盛新都派更長臧膠鬲子  
遇點漆始君房注冷金壺汁雲凝  
玉簡光品高卑九錫色古動三蒼



車輔芬殘瀋薄踈煥典章肖形  
森苑囿法象擬圭璋型範分鉤曲  
丹青畫直方玄工冠簡帙雅式殿緇  
黃天質超奚祖人官陋晉唐一螺不  
忍試千古紀能藏豈曰隄廩細靡傳  
異代香

東海于若瀛



幼博先生持所製墨取名訪予  
田間酒丰奉贈云

何物歟吾庶昂求之氣  
舒哦詩大唐後吐論建安  
鋒紅剗鵞索摘青分過  
雨蔬陶糜以尔贈白練好

裁書 第白底顏色頗  
倒美衣裳托酒家更動  
燒燂子取長多買能書至  
好我未抽黃珠重投後  
系臨池學仲將

郭山元



程幼博過朴園抵家十三年  
生走崎嶇骸骸淋死而生  
一占熱心々獨以寒鄉不朽  
慨然陸蹤

玉笋班中讀姓名十重菴  
惱生與人以作筆刀牛刻

木石志已重輕獨於琳瑯稱墨  
子玉之詩句尖銳縈龍求家卷  
千秋去乃爾長歌萬類繁

史氏沈澹



奉題

初博先生玄元靈氣墨妙詩

靈氣三蒼好玄風九願先  
圖功歸翰府

課績在詞田  
黍粒當珍物  
璜璫比粟堅  
蠶泓

霞彩互騰刺  
錦光旋盤結  
虬龍媚不敷  
虎

豹鮮松心寧  
取趙石液詎  
師邱哲匠抒  
天巧

奇方數首賢達林徽楚蜀劉秦蔡相根列  
宿垂芒澹平沙布部聯紫雲輕篆最垂  
粟小光圓掃拾怪銖兩調和倍討研乃承情  
雪絳萬祥剗霜面重襲防寒暑深根歷歲  
年入淵明骨勁截玉表鋒鋷特價心何有藏  
山理或於蹇予方尚白媿子每貽箋不惜膏將



碧時纖翠斗瑄柳肥春曉滑花滿夜鐙便入  
硯無多藏含毫得韻偏端珉飲得友代類  
快坐係名比金壺汁香於玉案前留懷或短  
涵寄譜墨池編

念西居士王肯堂具草



程幼博先生遺墨見贈賦此為謝



程君慷慨負奇節性植剛方不少折平生交盡五陵  
客不惜千金資莫逆且有張金好墨癖過市二鰥猶  
未憚親和冀公二兩煙世人珍重如拱璧余效伏王  
新醴汁共遺溪提金壺液遂誇筆陣鏖甲雄長疑盈  
袖墨丸迹興餘揮翰幾千帙磨來斗許凝如漆感君  
惠余言難悉聊題側理羞走筆

甲辰秋仲甫方祖堯昌齡書



幼博兄過訪出所製墨相示因賦  
以贈之

墨池波隱寒蕭瑟銀鈎蔓尾無顏  
色側理空憐春雪溫隄縻但憶秋  
烟濕子墨何來自客卿相看一嘆  
看雲生班行舊典句臚直姓字

新更衛尉名袖中携得雙函在  
松煤片、流蒼黛粉署遺凡豹作  
棗帛書殘瀋魚為袋更有玄元  
靈氣芬桐膏激破紫烟分銀臺一  
點真如漆玉管千行捲以雲雄談  
疊、驚飛電風雨馮陵墨華散

委珮今辭翡翠樓  
焚香昔奏芙蓉殿  
俠氣由來與世疎  
蛾眉謠詠意何如  
江潭屈子頻懷石  
梁獄鄒陽幾上書  
世變滄桑却足數  
相看此事成今古  
痛哭俄飛六月霜  
長歌忽返三季雨  
白首誰之意氣

非風塵裘馬尚依稀鬚髯磔：  
排霜戟笑語翩：振霍衣憩來  
偃仰黃山側獨抱玄龍共朝夕  
寫金壺冷注雲香飛玉滿寒凝雪  
奚李遺珠未可求祇今誰渡嗣風  
流況嘲揚子玄仍白白署松滋萬

戶侯

萬曆壬寅冬日友人顧楚元書



程幼博先生過訪既重高薦  
并贈墨寶賦謝

曾作明廷執戟郎上書出獄  
似鄒陽身將墨臨非求市  
老得詩名獨擅場訪我湯  
勞披白雪逢君正欲乞玄霜



書年貝葉西寺義我始與隲  
縻字二香

太原王穉登



從者客歲過寒齋，頭有一僮父索書甚  
急

門下不別主人而去後往張初于別墅竹堂  
寸僧房索之皆不得每念及汗淫沾背耳  
園中草孤憤悲壯不減鄒陽獄中書堪今  
飛霜六月矣

佳墨一點如漆可方韋仲將無論潘李何

況于魯輩哉輒成一詩題扇頭托  
公家阿咸奉寄不博

一捧腹也不腆長物并祈

鑒存白王恐々

穉登頓首再拜



左長

程鴻臚勇博先生惠墨詩以酬之兼致  
別意

翼、東南墟鄣山表奇秀之子應佳靈工墨  
闡宇宙文海汎菁英執林潤芳嗽馳譽久相  
聞真質慮同售寧知空城陽逆旅得邂逅片  
語遂脫矜開匣燠霞驟玄元無始精意是神  
工授吾徒十籙之至寶永為壽徵哉大道師  
何當日左右出、送舊驅車望清晝

冽，冬風寒旅夜亦何可。有使來叩門云：惠  
君屠墨玄珠不可求，而乃象罔得。寵逾竹書  
光，喜溢寒士色。攢裘前致詞，為我謝玄德。同  
之齋山道驪駒詢，迫逼湖陰浩蕩生。飄風來  
自北，堤楊久凋枯。携尊意何極，行者既已歸。  
居者尚旅食，混漚塵中恭。承媿雕飾

九華吳光裕頓首具草

憶君教寄贈

若房大雅

憶君昔日五雲邊  
彤墀春色人如僊  
憶君今日  
日竅雲巔芒鞋短褐學逃禪  
峰頭一枕溪頭漱  
玄窟蹢躅飄兩袖興來援筆瀉名篇  
應知五臟皆錦繡  
吁嗟世路作磨生  
靈晦何如友  
客卿伯休之藥君平卜不與衆人共  
恒營月團婉轉雙龍屬  
其紋若犀堅若玉  
珎材妙手

總無倫湛，光熒斗斗燭書成墨苑堪不朽  
玄圭蒼璧文章藪裒然一代創奇觀無翼而  
飛不胫走繫予索之玄又玄寶匣綢緼靈氣  
瀾授瓊更寄三千字，字五色相鮮妍白雪  
新詩烏玉玦直可人間稱兩絕高蹤勝事足  
千秋廷珪父子何能埒

顧造



鴻臚幼博程先生製墨精絕及讀墨苑并園中草  
因悉豪俠之概有感見寄序言

余形質頽索縱情嫚惰時有醉飽之狀殊乏造  
次之才舊因索墨得悉

先生上書免繁肅、可欽揮麈譚微英、露英一  
言意暢指白水而盟霜四海情親飛青尊而醉  
月至若即封居默寄隱維摩僊掌挹芙蓉之露  
爭傳香壁鵲臺生蓮葉之輝不啻紫珣曜祥光  
於若月疊異彩於非煙豈蘓氏浩必欲啜盡即



吾家勃寔藉藻思矣時維冬盡序屬春初茶煙  
騰竹杪清散火爐鼎沸雪色上梅枝冷浸茅屋  
琴書不有微吟何酌佳况偶占短句用寄濶懷  
馭鶴偏疑客雕龍獨擅才狂歌憐隱俠孤嘯托禪談  
棘石投魚蠹珠璣耿蚌胎雄心老逾壯墨守世無猜  
五劍題烏玉千金博麝煤尚方曾給月野徑忽逢雷  
欲試浮提字還藏魏武臺懷君何所贈相寄有江梅

江東王良相具稿



答贈仝博詞丈

子墨新銜署客卿

幾回剗剗忙承明

城裏在香以相

和梁穢

書傳白髮盈

年一

我獨從古紅江花山月  
許誰明陽冰已負  
青山定安日天都  
著履

王羲之



墨離沈士章

左蔡之紙蒙公之筆——上黨之松心  
青州之紅線石皆北產也而後世  
稱剡棧龍尾研諸葛氏筆——奚  
李氏墨四物者皆聚其美於江南

數百里之內而歛處二焉將文  
事所遷具亦隨之耶荆藤族於  
宣城棗核樣亦不復傳獨歛所  
產流行至今然冑子羅紋之質  
衰矣而墨法乃日盛新安鑿雅

之業其未艾乎予以此卜之矣

唐子西有言不能銳目以鈍為  
體不能動因以靜為用予每三  
復於斯之多病勘林自放於  
無能計生年用墨歲不過數寸

而君房一日所餉圭璧螺丸充仞  
囊笥重為墨君媿負夫墨之為  
道處於銳鈍動靜之間者也故  
壽於筆而失於研如予非敢  
謂能鈍能靜也而所謂不能銳

與動則信矣以墨君之半歸我  
之金其廉幾完久乎鐵堅於石  
穴於桑氏碩所歸何如人研墨之  
壽夭殆未有定也

玄元靈氣是者夫房所意翔也



法以漆液一各相之二朱太史詩云  
托跡相鄉與漆園化人入火疇  
能燔形銷質燼精鬼分真靈  
乘氣常氤氲序云瑩然星燦  
耿耿珠圓焰不四灼而煙輕如碧

天顯彩可謂善狀古稱韋仲  
將之墨一點如漆至君房則真  
漆也凡制作皆古拙而今巧古  
詳而今略如以今之巧加古之  
詳雖盡輒往代可已李廷珪墨  
至宣和時

價倍黃金而御府所藏罄為相  
國寺之墨漆夾漆墨之相往後  
也久矣夫

張伯英常仲將皆善書者也  
而自作筆墨然則二事者固亦

待文士而工耶然工匠之備尺寸之  
藝苟有擅於世其襟韻必有異  
人者蘧子瞻稱潘谷遇於潘安  
多不見其人想見其墨彼燠和  
成富者其人與墨皆少知己

墨量丸枚園餅劍脊九子雙龍古  
之為墨者象此而已未有多識圖  
牒羅絡萬形如令日者李墨不為  
文理質類金石滴者曰以松身鏡  
面為借美於外夾藏之精微有隔

囊摩沙手而得者而世豈皆若人乎  
令李墨具瑰麗如茲鐫印守  
藏俟吏皆能知之未必厄於寺門之  
漆也患文具質弗良耳良矣如  
其文如其文

君房授予四詩格韻豐穩其旨  
章致咏於先官保捧讀之餘繼  
以感泣因憶先人玄新都時父老  
多責持佳扇墨沾車前言明  
使君囊无一錢歸遺故人此歛

所產輩可納受分餉鄉里先人  
逡巡謝為受墨一錠扇一握此  
與唐杜暹辭娶州府事適類  
當時以暹比漢劉寵歟父老不  
識暹事亦云陶公今之寵也先人



為守時羅中書墨方盛行而余  
家所蓄不過銖兩茲乃頗有君房  
墨數觔感之不及父審矣歛人  
多能之先官保事此至纖細不巨  
傳然它日未必非墨苑中一段佳

事也

舒元興悲刺藤罪世之綺文妄言者  
今刺縣果無藤種其說竟駭歎  
墨之盛極矣予懼松栢之無遺類也  
乃用數語為序以傳蓋之夫所謂

綺妾重浹有如予者乎君房曰文  
之者子墨氏之流也流無窮而母之  
用亦無窮如種腐於芽實乃千  
萬茲為墨氏甘之惟也盡髮厥植何  
傷哉予病拙久不為辭賦聊率

意所之書數則歸之行將以君房  
所贈懸浮屠氏之麻焉以為子他日  
香火因緣亦將使墨君說離文字  
妙法也

萬曆癸卯首夏日

會稽陶望齡書



墨苑題詞

墨之為言默也默者能言而欲無言墨  
則無言也而無不言凡世之善言者必  
賴墨以傳予改易而有味乎易之言墨  
也曰默而成之不言而信存乎德行成  
之以默無一切辯詐機智之私故自信  
以信天下有不假詞說而自神者非詔

默成文象之德行誠不足以與於此墨  
固形而下之器也而有道焉存乎其間  
自有書契以降稽古證今琤來承往有  
不取信於載籍者乎作者適興各成一  
家言而藉墨以行于世均也一成而不  
可變考信而無所遺惟此無言者之言  
乃可以永久不磨若薪盡而火傳不以

指窮而率不窮于指也其德行可不謂  
貞固該博廣大悉備矣乎幼博氏攻儒  
而嗜墨因神搜智索期盡墨之利以利  
天下旣為郎罷歸構禍幽居金盡而取  
資于墨事白而墨之嗜愈篤乃取六合  
內外種々名理物象盡範圍之於墨初  
不謂為墨特藝成而下者舉少之所嗜



而老或更之游戲藻翰之所取給而艱  
阻後輒棄之蓋世之為墨者或用于墨  
而不能為墨用或用違于墨而不善究  
墨之用故于德行無聞焉幼博幽憤以  
來嘗歷苦趣坐進玄默一有嘆詫感慨  
之懷即和墨伸紙以寫其無聊不平之  
一乃信其冤抑而昭雪之墨代幼博

之所欲言以廣視聽之所不及宜幼博  
德墨甚而思以墨之愛兼愛天下也近  
且偕予友巨源程公脩淨業而捐諸椁  
將罄生平之俠氣剛腸恩讐德怨直以  
數升墨汁塗抹其所纖計毛舉者而空  
之此之為德行不有超乎語言文字之  
外者哉予之自警曰聽默生二十載于

茲矣竟未能一聽于默以將忘言共信  
之天故讀幼博氏所為墨苑而輒以德  
行之說進幼博即不信予言安能易予  
之默而以辯勝即幼博信予言以自信  
亦何必易己生平之所為嗜墨者而求  
多於默之外耶辛丑菊月朱之蕃書



墨莊行

書不中郎道不翟墨卿掉臂其相  
識十年起草給隄廩千里遺魚徼  
副墨往中書懶欲拋辟人焚研罷  
推敲自矜知白能若拙不信聰玄  
費解物野黑甜小窻下忽驚別

啄穿窗鏤跪前道士稱陳人從古  
奚奴把聲便摩挲雙眼是耶非夢  
破書淫或初圍會稽齋中已女子  
日空寺裏到青衫披圍海印光如  
寬起磨栴鼻移文極止知李氏歸  
四和石邑陳玄煩九錫我聞鶴足

山上好松心麋角膏融可水點樊榭文  
漬色不脫不爲久理脣如金又少輝玉  
殿上品琳琅晏張金函出爲奇劍脊  
俱承圓錐賜就紋收歸彩如雲如家  
肖神其乃是珪璧佳器曹位置澄  
觴實自左司馬費稱爲有往來侍客

鄉腴脫惚佳去藝事年來不似初只  
消自署陳桂墨何用遙徵以弄代衣魚

翰林主人西吳沈澹樵



錯墨

陳蔡園中之甌埃尔阜祖也上黨嶺際  
之松心尔正嫡也至今雲來居歛徧滿邈  
逝繩：說：攻苦淡穀墨子之世其官不  
貳其職不溺者耶

二千卷之黜乙汝之以長楊獵之夸詡汝



之以公輸氏之漆削汝之以相國寺之髹  
塗汝之以大宗師之寓言汝之以鳴乎此  
五墨：非夫晉平公之墨也

其質則墨石之霏屑耶其膠則墨牡  
之膚臧耶其水則墨葉之濫泉耶其  
巧則墨翟之飛鳶耶其亡車則墨床

之止賴以蔽其真耶

高奴之脂盧龍水二物君臣刻玄體天  
章沈郎解厥理有斐其文代剞劂

疇譜汝陳玄署汝客卿也磨硯不犁舐  
筆不稽箸締洪濶以驚是所謂四美既  
具潭、久府相待而成者也

濟南臨邑邢伯子愿甫試  
李唐鯉魚研寫于西塾  
雲腴館時春  
師黻城桐鄉侯傳適至



邵安與朱萬初帖曰深山高居爐香不可缺  
退佳之久嘉品之純野人為取兔杪柏之根  
枝葉實共擣治之斫楓肪羈輪之每焚一炷  
亦足助清苦今年大雨時行玉潤溽暑特甚  
萬初收石鼎清書有高齋蕭閒遂爲一日之  
借良可喜也萬初本墨砂又兼香癖蓋墨之  
与香同一關紐亦猶書之與畫誼之與禪也

勿博煙涿成刺遂擅一時光價其成累歎余謙勇

博墨刻之香勿博讓余墨有墨香即蘓合齋馬周  
大龍腦余後謂芳博今日墨為政胡弗自後香至  
為政乎然香有至韻沉水梅檀非品也雕房綺閣  
非地也肥肉醇酒非主也僮僕遶通非客也勞薪  
歟炭非奈也淪肌撲鼻非實也狎湘而將身臥淚  
飛送微莫關薜而借舌清魂烟凝弱縷或無見鄙  
於萬物亦多博有意苟令君余將露司三日

濟南結邑邢伺子愿有寫于來禽館中



桐煙歌為

程幼博兄賦

天地生良材，效用常不一。楚丘呼陽桐，爰伐渠與瑟。液焚以繼，器皆用固已畢。一朝遇羅生，而迺價無匹。程氏搜其精，抽烟更多術。傳以紫草茹，染以陽朱質。燃稻睨高卑，銖銖亦無失。萬杵成陶糜，

桐煙歌

徽名過少室從此松心輕  
穠膏厚六銖  
乃知林有用之奇愈出當其未用時  
人故未易悉凡物莫不然以待作與述  
伶倫如未生焦桐殘斧鑊

豫章罪相

阿白素書



程君房墨歌

青天黯黯玄雲碎十萬天吳吹黑水雷  
號電走老蛟泣白日欲沒蒼精死帝鴻  
揮斤混沌呌徂徠大夫拍掌笑五丁爚  
液赤輪飛白鳳膏勻紫麝臍月冷龜高  
玉兔杵築陽萬斛空頻頷古來此技稱  
奚氏玄丘更闢新都市千廛萬井皆尚



玄獨有程生噪人耳翰林主人蘭嵎公  
四海墨卿皆下風鳳沼鸞臺日千牘案  
頭紫氣凌蒼穹筆冢如山鐵硯穿不惜  
千金換一九見人惟道程生好九錫文  
成日月懸割愛曾分老夕郎不減隄廩  
出尚方樓臺縹緲通都詭龍賓十二爭  
翱翔玄元靈氣最奇絕滿匣縱橫烏玉

玦明憲試展剡溪藤象齒馬肝皆就列  
履皮油暈鋒削木精晶一點玄夷血翠  
餅驚飛月一輪九子長生共祝婚更有  
螽斯紛振羽劍脊龍紋卹足論程生豈  
亦有深意北極前星原間氣萃封共祝  
蓬萊宮聖子神孫紛不億夢裏曾驚兩  
袖盈嗟君此贈勝瑤瓊漢宮不用頒鉞

綠盧相應慙貯刺綾

南海梁有年



星苑別贈程幼培

風塵後  
居  
一  
本

古來英賢負奇底  
權重一鉅院全夜  
後此復見程鴻臚  
親梓言相題膠  
深老氏弓黑  
庭可所揚子  
耿玄黃是  
匹量其進  
張天六  
托名  
漁利市上  
也  
新囊  
繡素  
出裝  
錦中  
未必  
有得  
誰欺  
浪烟  
自含  
盡  
每言  
高  
昌  
第  
家  
弄  
奇  
維

相之按圖來索駿寧無業公相好  
龍我今未敢燒筆研更以臨池試  
墨  
廣嘆三月旦未可憑駭珠魚目混人  
寶  
乎矣托名為名相已去墨書有長城  
後  
進好事傳曰以豈評廷珪以名

長沙張鳳翼



閱程君房墨苑歌

熙寧董氏著墨譜圖畫精工辯  
絲縷斷簡殘編久不傳從來市  
井徒行賈元符高士李伯陽撰  
成墨苑說玄香形模製作不可  
見惟今繼者程君房君房一官

未稱意守黑探玄有爲致桐液  
松烟搗練工蒸膠和漆奇方秘  
端溪石上生紫光染濡毫素  
增鋒芒始知製法入三昧執李  
超潘誰顏頑一圭一珽磨皆好  
不用磨臍并龍腦允宜褒錫松

漢侯何媿文房稱一寶字來墨  
苑尤精奇方應如矩圓如規古  
今物象無不有却使觀者心神  
怡妙墨斯時無並駕黃金他日同  
高價世人射利競紛々研出非烟  
室居下者今



天子聖且明

御書落筆龍蛇驚不知曾看  
如繩戲案上頻呼萬歲聲

萬曆癸卯秋日

閩都徐惟起與公撰



玄元靈氣歌有序



君房氏托於俠困於仕脫於阮隱於墨盡墨之道未以爲足  
思髣几之光可鑒毛髮油則黠如也儻漆可燈其煤之色當  
佳於油遠甚何前人未及耶桐烟中試半投漆汁火不得耀  
漸減而投以三之一熒然星燦耿然珠圓焰不四灼而烟輕  
如碧天顚彩始在有無之間繼微拂而徐積之盡一石僅得  
烟十數兩和劑旣成不借色於金珠而清光溢目不借馥於  
龍麝而幽韻襲人筆浥其瀋不濁如水紙受其澤不滯如脂  
授諸史氏一試而訝其奇再試而扣其所以殊於衆三試而  
藏諸懷袖不能不用而不忍輕用惟作小楷乃出就古端手

自磨研以助書興不能名狀其質而歸之神化所成命之曰  
玄元靈氣與藝苑傳而珍之復爲之歌曰

萬類含氣本一元重玄旣剖靈光存物物於物氣乃昏中有神物  
爲物君托跡桐鄉與漆園化人入火疇能燔形銷質燼精魄分真  
靈乘氣常氤氲總攝一切歸玄雲出無入有憑吐吞涓滴水中窮  
河源一毫端際低崑崙終日言而未嘗言不言之言普聲聞玄胡  
得此衆妙門漆書汗簡會其原玄珠在淵力屈羣象罔能探意獨  
慙韋李奚潘那足論載爾玄德賁人文吁嗟乎載爾玄德賁人文  
大明萬曆壬寅歲日長至金陵蘭嵎山人朱之蕃書于燕臺之大

隱居



陶庵歌敬寄

君房程先生教之



烏駟龍從表南服玉削萬仞摩青蒼精  
靈注之毓奇士前有李超今君房君房  
才度尤瑰異更隱金門早通籍竭來妙  
技試踰縻製津精工世無匹詭如滄海  
羅貝珍燦如鼉采開崑岑子奇萬恠譜

難盡一片價重雙南金吐埃文房初親  
見把翫迴環爭歎差研來護都蒸雲霞  
五色毫端爛相鉤塞予嗜古兼好奇邯  
鄲學步時臨池亟張吾軍鄙遠貶矢報  
敢忘瓊瑤詩

昭陽單潤奉端陽日通家弟林世吉書



玄元靈氣歌

易水流枯玄德澤千秋墨妙疇探髓一  
支東注新安江黥澤晶熒世少雙徂徕  
松彫煙膏皓真贗相迷徒相訾臨池何  
處覓隄麋欲燒筆硯咄咄嗤忽有寄我  
文豹囊開函片片墮玄霜芬芳噴薄龍  
麝散光彩陸離珠璣燦初疑墨上蠅細

點齊州漆恨不洒徧九萬箋真湏月給  
雙椽筆知是冲玄靈氣鍾蕭颯魏堂香  
霧籠咲我守玄方落落彩毫銀管生花  
夢

鮑應鰲山甫撰



續玄元靈氣歌

南山有木葉若紫  
虞皇採之入鼎烹  
搗煉渾如膠牙錫  
吞光含照奪容成  
千畝陳夏何盈盈  
痾哉秦皇思塗城  
曾如新安擬蒼精  
然以藜火爍文星  
澹煙漠漠碧雲橫  
層紫纔得四銖輕  
彈丸珎叢授長卿  
乍斫龍尾瑩且清  
長卿慣作驚人鳴  
凭几揮毫十斛傾  
作歌紀事錫嘉名  
龍紋劒脊莫爭衡  
居然元始靈光生



散作宇宙空中聲  
洗硯閣筆了無情  
寥寥千載太玄經

武林姚履素



程君房墨歌

吾慕漢神仙王遠書入木更嗟賞識  
秘千載幾滿苔易水之術久不傳寒  
文苑青松烟何處仲將漆一點是誰廬  
嶽巖十年余有睨竒好古癖蒐盡隄  
摩与石液螺子拍火同握珠龍香半割

眎新鐸年來孟浪學塗鴉紫端石上生  
青華素根藤角揮無數犀紋玉質不藏  
家坐對綠蕉長抱膝雕几空停斑管筆  
有客叩門惠一函洲函玄英分滿室云  
是製出程君房工力古人相韻頗不須磨  
腦鬪芳澤不須蝨蟻蟻精光萬竈如雲

燭龍炬桐液滴殘麝角煮金鑪火候十  
二時鍊白月中三萬杵呼奴取水一磨之  
堅如黑石滑如脂筆陳得此佳鑒甲狂來  
寫遍數烏絲為點為畫色俱紫非煙  
非霧毫中起丹臺似乞青龍胎王母疑分  
白鳳肺吁嗟乎程君之技至此乎我今

向君有所須携往景山從五老免教溪  
提之人漚面繼金壺

閩中馬欵季聲



贈程君房墨歌

龔櫺蓮匣中夜吼飛出白氏向天走紫煙濕  
露琉璃浮散住玄霜雲骨瘦金壺深盡神血  
滾溪提神聖敲咄穉東壘趙娘裂地脈至今  
遺却松滋戾艱中三臺空已耳誰似隄塵譖  
易水萍妃咄咄尚卿嗟眼裡紛紛烏鰲字程  
君房沈溝剗木骨奇方篋家裡氏不足數浪  
說未來方與汪澁空如蠅金作價萬歲敲中

皇帝陛下人杵還同搗藥仙開爐疑學燒丹  
者君家圖書真五車玄豹囊中那足誇玉玦  
臨風揮貝葉銀鈎映月落梅花嗚呼人生誰  
看幾兩屐莫吟鞠通癡却癖爲君擬住壘官  
行安得玄英啜石君不兜侯門紉袴來識  
丁案頭玉珮空縱橫

倩玉何琦



程君房墨歌

青山石室紫煙秀作者苦心技  
握場仙人龍涎已送至玉女鳳  
膏曾寄將平頭小兒崑崙  
子玉曰萬杵搗玄霜須臾發  
型犀象出乃驚珍恠何森



張造時夜聞鬼神泣天地  
妙法秘書得獨耀萬古無精  
光尋常一枚可教國隋珠  
趙璧皆可輕天下之寶君房  
墨

太原王



讀

程鴻臚幼博先生墨苑歌

吾聞墨家者流能遺形爾胡雕刻藻彩  
剖精靈吾聞墨家者流事無愛爾信已  
羅汜瀾盡梗槩天玄地黃未有分此墨  
菴夢藏氤氲區分彙列既已顯此墨昭  
光職敷衍惟君能顯復能藏是以善舒



亦善卷少小遺心契玄漠科頭日坐楊  
子閣庀質鉤精巧瀟無妙竅幾令混沌  
鑿涼：不數仲將奇喙：反道廷珪薄  
偶然一出遭風塵昂藏便爾歸丘壑世  
人知白不知黑操戈射影真無極憐君  
與沛術愈工七年幽繫歿玄德韓非說  
難屈原騷字：風霜動顏色但意工負

未工文豈料鋪揚繪畫皆奇特雲錦牙  
籤裝製新兼之志恠仍搜神開函盡是  
文章彥論交羨爾賢豪人自我把讀日  
移午妙蹟真形掩今古烹茶細檢竟忘  
飢一啜一聲稱罕睹卻恨囊中正羞澀  
何因悉做供摩撫噫嘻噓亦豈必囊錢  
向君做君不見子墨子摩頂放踵利天

下

九華吳允裕寬生氏具草

